



Deddf Sgorio Hylendid Bwyd (Cymru) 2013

2013 dccc 2

Deddf gan Gynulliad Cenedlaethol Cymru i wneud darpariaeth ar gyfer llunio sgoriau hylendid bwyd ar gyfer sefydliadau busnes bwyd; arddangos gwybodaeth am sgoriau hylendid bwyd; gorfodi'r gofynion i arddangos gwybodaeth; ac at ddibenion cysylltiedig. [4 Mawrth 2013]

Gan ei fod wedi ei basio gan Gynulliad Cenedlaethol Cymru ac wedi cael cydsyniad Ei Mawrhydi, deddfir fel a ganlyn:

Cyflwyniad

1 Trosolwg

- (1) Mae'r Ddeddf hon yn sefydlu cynllun sgorio hylendid bwyd i Gymru.
- (2) Mae'r cynllun yn darparu bod awdurdodau bwyd yng Nghymru yn arolygu (adran 2) sefydliadau busnes bwyd yn ardaloedd yr awdurdodau ac yn llunio sgoriau hylendid bwyd y sefydliadau hynny (adran 3).
- (3) Mae sgôr hylendid bwyd i'w lunio drwy sgorio safonau hylendid bwyd sefydliad yn erbyn meini prawf a gyhoeddir gan yr Asiantaeth Safonau Bwyd ("ASB") (adrannau 3 a 4).
- (4) Caiff sefydliad busnes bwyd apelio yn erbyn ei sgôr hylendid bwyd a rhoi sylwadaethau arni (adrannau 5 a 11).
- (5) Rhaid i awdurdod bwyd hysbysu'r ASB am sgôr hylendid bwyd sefydliad yn ei ardal, a rhaid i'r ASB gyhoeddi'r sgôr (adran 6).
- (6) Rhaid i sefydliad busnes bwyd hysbysu'r cyhoedd am ei sgôr hylendid bwyd (adrannau 7 ac 8).
- (7) Mae methu â hysbysu'r cyhoedd yn drosedd, y gellid ei chosbi drwy ddirwy neu gosb benodedig (adran 9, adrannau 19 i 22 a'r Atodlen).

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

- (8) O dan amgylchiadau penodol caiff sefydliad busnes bwyd ofyn am ailsgoriad (adran 12).
- (9) Mae pwerau a chyfrifoldebau awdurdodau bwyd a'r ASB a chyfrifoldebau gweithredwyr sefydliadau busnes bwyd wedi eu nodi yn adrannau 14 i 16.

Gwybodaeth Cychwyn

- I1** A. 1 ddim mewn grym ar y Cydsyniad Brenhinol, gweler **a. 27(2)**
- I2** A. 1 mewn grym ar 28.11.2013 gan **O.S. 2013/2617**, **ergl. 3(a)**

Arolygiadau a sgoriau hylendid bwyd

2 Rhaglen arolygiadau hylendid bwyd

- (1) Rhaid i awdurdod bwyd lunio, ac adolygu, rhaglen sy'n pennu—
- a oes rhaid i sefydliad busnes bwyd yn ei ardal gael ei arolygu, a
 - os oes angen arolygiad, mynychder yr arolygiadau.
- (2) Rhaid i awdurdod bwyd arolygu sefydliadau busnes bwyd yn ei ardal yn unol â'r rhaglen.
- (3) Wrth lunio ac adolygu ei raglen, rhaid i awdurdod bwyd roi sylw i faterion a bennir gan yr ASB ac a gymeradwyir gan Weinidogion Cymru.
- (4) Rhaid i'r materion a bennir gan yr ASB gynnwys asesiad o'r risg i iechyd y cyhoedd—
- sy'n gysylltiedig â'r math o fwyd a drafodir gan sefydliad,
 - sy'n gysylltiedig â'r dull o drafod y bwyd, ac
 - sy'n codi o record y sefydliad o gydymffurfio â chyfraith hylendid bwyd.
- (5) Yn y Ddeddf hon—
- ystyr “awdurdod bwyd” (“*food authority*”) yw cyngor sir neu gyngor bwrdeistref sirol yr ardal yng Nghymru lle y mae'r sefydliad (neu awdurdod iechyd porthladd o dan yr amgylchiadau a ragnodir gan adran 5(3) o Ddeddf Diogelwch Bwyd 1990);
- ystyr “gweithredwr” (“*operator*”) sefydliad busnes bwyd yw person sy'n ymwneud â rheoli'r sefydliad;
- ystyr “sefydliad busnes bwyd” (“*food business establishment*”) yw unrhyw uned o fusnes sydd wedi ei gofrestru gydag awdurdod bwyd drwy rinwedd Erthygl 6 o Reoliad (EC) Rhif 852/2004 neu sydd wedi ei gymeradwyo o dan Erthygl 4 o Reoliad (EC) Rhif 853/2004 (neu sydd wedi ei gofrestru neu ei gymeradwyo o dan ddarpariaethau cyfatebol yn lle hynny ar gyfer cofrestru neu cymeradwyo sefydliadau busnes bwyd) ac—
- sy'n cyflenwi bwyd yn uniongyrchol i ddefnyddwyr, neu
 - sy'n cyflenwi bwyd i fusnes arall.
- (6) Caiff Gweinidogion Cymru drwy reoliadau—
- diwygio'r diffiniad o sefydliad busnes bwyd, gan gynnwys ehangu'r categori o sefydliad a fydd yn ddarostyngedig i raglen arolygiadau;
 - diwygio'r diffiniad o awdurdod bwyd (er enghraifft, i gynnwys cyrff eraill).

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

Gwybodaeth Cychwyn

- I3** A. 2 ddim mewn grym ar y Cydsyniad Brenhinol, gweler **a. 27(2)**
- I4** A. 2(1)-(4)(6) mewn grym ar 28.11.2013 gan **O.S. 2013/2617, ergl. 3(b)**
- I5** A. 2(5) mewn grym ar 28.11.2013 at ddibenion penodedig gan **O.S. 2013/2617, ergl. 3(b)**

3 Sgoriau hylendid bwyd

- (1) Pan fo sefydliad busnes bwyd wedi ei arolygu yn unol ag adran 2, rhaid i awdurdod bwyd asesu safonau hylendid bwyd y sefydliad a chynhyrchu sgôr (“sgôr hylendid bwyd”) ar gyfer y sefydliad hwnnw sydd wedi ei sgorio yn erbyn meini prawf a osodir gan yr ASB (y “meini prawf sgorio”).
- (2) Caiff Gweinidogion Cymru drwy reoliadau ddarparu bod sgôr hylendid bwyd i’w seilio ar asesiad o safonau hylendid bwyd sefydliad a wnaed cyn i’r Ddeddf hon gael ei chychwyn.
- (3) Cyn pen 14 o ddiwrnodau ar ôl arolygiad, rhaid i awdurdod bwyd anfon at weithredwr y sefydliad—
 - (a) hysbysiad ysgrifenedig am sgôr hylendid bwyd y sefydliad;
 - (b) datganiad ysgrifenedig o’r rhesymau dros y sgôr;
 - (c) sticer sgôr hylendid bwyd ar ffurf a ragnodir;
 - (d) unrhyw wybodaeth arall a ragnodir.
- (4) Mae sgôr hylendid bwyd yn peidio â bod yn ddilys yn yr achosion a ganlyn—
 - (a) pan fo gweithredwr sefydliad wedi cael hysbysiad am sgôr hylendid bwyd newydd a—
 - (i) bod y cyfnod o 21 o ddiwrnodau ar gyfer apêl yn erbyn y sgôr hylendid bwyd newydd wedi dirwyn i ben, neu
 - (ii) os oes apêl wedi ei gwneud, bod yr apêl wedi ei phenderfynu a bod y gweithredwr wedi cael hysbysiad am y canlyniad;
 - (b) pan fo perchenogaeth ar sefydliad wedi ei throsglwyddo neu fod y sefydliad wedi peidio â masnachu.
- (5) Caiff Gweinidogion Cymru ragnodi bod categorïau penodol o sefydliad yn cael bod yn esempt rhag cael eu sgorio.

Gwybodaeth Cychwyn

- I6** A. 3 ddim mewn grym ar y Cydsyniad Brenhinol, gweler **a. 27(2)**
- I7** A. 3(1)(3)(a)(b)(4) mewn grym ar 28.11.2013 gan **O.S. 2013/2617, ergl. 3(c)**
- I8** A. 3(2)(3)(c)(d)(5) mewn grym ar 28.10.2013 at ddibenion penodedig gan **O.S. 2013/2617, ergl. 2(a)**
- I9** A. 3(2)(3)(c)(d)(5) mewn grym ar 28.11.2013 i’r graddau nad yw eisoes mewn grym gan **O.S. 2013/2617, ergl. 3(c)**

4 Y meini prawf sgorio

- (1) Rhaid i’r meini prawf sgorio gynnwys system i sgorio safonau hylendid sefydliad busnes bwyd.

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

- (2) Rhaid i'r system sgorio gynnwys darpariaethau sydd wedi eu seilio ar yr agweddau canlynol ar y sefydliad—
- ei arferion trin bwyd (gan gynnwys rheoli tymheredd);
 - ei amgylchedd ffisegol (gan gynnwys ei gynllun, ei lendid a'i gyflwr);
 - ei reolaeth;
 - ei weithdrefnau ar gyfer cadw trefn.

Gwybodaeth Cychwyn

I10 A. 4 ddim mewn grym ar y Cydsyniad Brenhinol, gweler **a. 27(2)**

I11 A. 4 mewn grym ar 28.11.2013 gan **O.S. 2013/2617, ergl. 3(d)**

Apelau

5 Yr hawl i apelio

- Caiff gweithredwr sefydliad busnes bwyd apelio i'r awdurdod bwyd yn erbyn sgôr hylendid bwyd a roddwyd i'r sefydliad.
- Caniateir i apêl gael ei gwneud ar y naill neu'r llall o'r seiliau canlynol neu'r ddwy ohonynt—
 - nad yw'r sgôr yn adlewyrchu'n briodol y safonau hylendid bwyd yn y sefydliad adeg yr arolygiad;
 - nad oedd y meini prawf sgorio wedi eu cymhwysu'n gywir wrth lunio'r sgôr hylendid bwyd.
- Rhaid i apêl gael ei gwneud cyn pen 21 o ddiwrnodau ar ôl y dyddiad y cafwyd hysbysiad am y sgôr hylendid bwyd.
- Rhaid i apêl gael ei gwneud yn ysgrifenedig ar y ffurf a ragnodir.
- Caiff awdurdod bwyd gynnal arolygiad pellach o'r sefydliad er mwyn ystyried y materion a godwyd mewn apêl.
- Rhaid i awdurdod bwyd benderfynu'r apêl a hysbysu gweithredwr y sefydliad a'r ASB am ei benderfyniad cyn pen 21 o ddiwrnodau ar ôl y dyddiad y cafwyd yr apêl.
- Rhaid i'r apêl gael ei chynnal gan swyddog awdurdodedig na fu'n ymwneud ag asesu'r sgôr hylendid bwyd sy'n destun apêl.
- Caiff Gweinidogion Cymru, drwy reoliadau, ddarparu ar gyfer apêl o dan yr adran hon gael ei phenderfynu gan berson ac eithrio'r awdurdod bwyd.
- Mae'r pŵer i wneud rheoliadau yn cynnwys pŵer—
 - i wneud darpariaeth am y weithdrefn i'w dilyn ar gyfer apelau;
 - i wneud unrhyw ddiwygiadau i'r adran hon o ganlyniad i berson arall yn dod yn gyfrifol dros y penderfyniad y gwêl Gweinidogion Cymru yn dda.
- Os yw awdurdod bwyd yn penderfynu diwygio sgôr hylendid bwyd, rhaid iddo, wrth hysbysu'r sefydliad am ei benderfyniad, anfon at weithredwr y sefydliad—
 - hysbysiad ysgrifenedig am ei sgôr hylendid bwyd diwygiedig;
 - datganiad ysgrifenedig o'r rhesymau dros y sgôr;

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

- (c) sticer sgôr hylendid bwyd newydd;
 - (d) unrhyw wybodaeth arall a ragnodir.
- (11) Pan fo awdurdod bwyd yn penderfynu diwygio sgôr hylendid bwyd, wrth iddo hysbysu'r ASB am ei benderfyniad rhaid iddo anfon i'r ASB gopi o'r hysbysiad a'r datganiad y cyfeirir ato yn is-adran (10).
- (12) Nid oes unrhyw hawl bellach i apelio yn erbyn penderfyniad a wnaed o dan is-adran (6).

Gwybodaeth Cychwyn

- I12** A. 5 ddim mewn grym ar y Cydsyniad Brenhinol, gweler **a. 27(2)**
- I13** A. 5(1)-(3), (5)-(9), (10)(a)-(c), (11)(12) mewn grym ar 28.11.2013 gan O.S. 2013/2617, **ergl. 3(e)**
- I14** A. 5(4)(10)(d) mewn grym ar 28.10.2013 at ddibenion penodedig gan O.S. 2013/2617, **ergl. 2(b)**
- I15** A. 5(4)(10)(d) mewn grym ar 28.11.2013 i'r graddau nad yw eisoes mewn grym gan O.S. 2013/2617, **ergl. 3(e)**

Trefniadau cyhoeddi ac arddangos

6 Hysbysu am sgoriau hylendid bwyd a'u cyhoeddi

- (1) Rhaid i awdurdod bwyd hysbysu'r ASB am sgôr hylendid bwyd sefydliad busnes bwyd o fewn y cyfnod perthnasol.
- (2) Wrth hysbysu'r ASB rhaid i awdurdod bwyd ddarparu i'r ASB hefyd unrhyw wybodaeth bellach a ragnodir.
- (3) Rhaid i'r ASB gyhoeddi'r sgôr hylendid bwyd ac unrhyw wybodaeth arall a ragnodir ar ei gwefan cyn pen 7 o ddiwrnodau ar ôl cael ei hysbysu o dan is-adran (1).
- (4) Yn yr adran hon, ystyr "cyfnod perthnasol"—
 - (a) os nad oes apêl yn erbyn y sgôr hylendid bwyd, yw 49 o ddiwrnodau o'r dyddiad y bydd gweithredwr sefydliad busnes bwyd yn cael hysbysiad am y sgôr hylendid bwyd;
 - (b) os gwneir apêl, yw 28 o ddiwrnodau o ddyddiad penderfynu'r apêl.

Gwybodaeth Cychwyn

- I16** A. 6 ddim mewn grym ar y Cydsyniad Brenhinol, gweler **a. 27(2)**
- I17** A. 6(1)(4) mewn grym ar 28.11.2013 gan O.S. 2013/2617, **ergl. 3(e)**
- I18** A. 6(2)(3) mewn grym ar 28.10.2013 at ddibenion penodedig gan O.S. 2013/2617, **ergl. 2(c)**
- I19** A. 6(2)(3) mewn grym ar 28.11.2013 i'r graddau nad yw eisoes mewn grym gan O.S. 2013/2617, **ergl. 3(e)**

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

Hysbysu'r cyhoedd am sgoriau hylendid bwyd

7 Y gofyniad i arddangos sticeri sgôr hylendid bwyd

- (1) Pan fydd gweithredwr sefydliad busnes bwyd wedi cael hysbysiad am sgôr hylendid bwyd y sefydliad, rhaid i'r gweithredwr arddangos y sticer sgôr hylendid bwyd a ddarparir.
- (2) Ni fydd y gofyniad hwn yn gymwys—
 - (a) hyd nes y bydd y cyfnod o 21 o ddiwrnodau ar gyfer apêl wedi dirwyn i ben, neu
 - (b) os yw apêl wedi ei gwneud, hyd nes y bydd yr apêl wedi ei phenderfynu a bod y gweithredwr wedi cael hysbysiad am y canlyniad.
- (3) Rhaid i'r sticer gael ei arddangos yn y man a'r modd a ragnodir.
- (4) Caiff rheoliadau sy'n rhagnodi'r man a'r modd priodol ar gyfer arddangos sticer wneud darpariaeth wahanol ar gyfer gwahanol fathau o sefydliad (gan gynnwys darpariaeth ynghylch arddangos sticer mewn mwy nag un man).
- (5) Bydd y sticer yn peidio â bod yn ddilys pan fydd sgôr hylendid bwyd y sefydliad yn peidio â bod yn ddilys.
- (6) Os bydd sticer sefydliad yn peidio â bod yn ddilys, rhaid i'r gweithredwr ei dynnu o'r man lle y mae'n cael ei arddangos a'i ddistrywio (oni chaiff ei gyfarwyddo i beidio â'i ddistrywio gan swyddog awdurdodedig).

Gwybodaeth Cychwyn

- I20** A. 7 ddim mewn grym ar y Cydsyniad Brenhinol, gweler **a. 27(2)**
- I21** A. 7(1)(2)(5)(6) mewn grym ar 28.11.2013 gan O.S. 2013/2617, **ergl. 3(e)**
- I22** A. 7(3)(4) mewn grym ar 28.10.2013 at ddibenion penodedig gan O.S. 2013/2617, **ergl. 2(d)**
- I23** A. 7(3)(4) mewn grym ar 28.11.2013 i'r graddau nad yw eisoes mewn grym gan O.S. 2013/2617, **ergl. 3(e)**

8 Ceisiadau am wybodaeth am sgoriau hylendid bwyd

- (1) Rhaid i weithredwr sefydliad busnes bwyd sicrhau bod pob cyflogai perthnasol yn ymwybodol o sgôr hylendid bwyd y sefydliad.
- (2) Rhaid i'r gweithredwr ac unrhyw gyflogai perthnasol gydymffurfio â chais a gyfeirir atynt gan berson i gael ei hysbysu ar lafar am sgôr hylendid bwyd y sefydliad.
- (3) Yn yr adran hon, ystyr "cyflogai perthnasol" yw rhywun sydd—
 - (a) yn cael ei gyflogi yn y sefydliad, a
 - (b) yn debygol, ym marn y gweithredwr, o fod yn wrthrych cais i hysbysu person ar lafar am sgôr hylendid bwyd y sefydliad.

Gwybodaeth Cychwyn

- I24** A. 8 ddim mewn grym ar y Cydsyniad Brenhinol, gweler **a. 27(2)**
- I25** A. 8 mewn grym ar 28.11.2013 gan O.S. 2013/2617, **ergl. 3(f)**

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

9 Troseddau

- (1) Mae gweithredwr sefydliad busnes bwyd yn cyflawni trosedd os yw, heb esgus rhesymol—
 - (a) yn methu ag arddangos sticer sgôr hylendid bwyd dilys yn y man a'r modd a ragnodir;
 - (b) yn arddangos sticer sgôr hylendid bwyd annilys;
 - (c) yn methu â chadw sticer sgôr hylendid bwyd dilys;
 - (d) yn ildio ei feddiant ar sticer sgôr hylendid bwyd i unrhyw berson heblaw am swyddog awdurdodedig i awdurdod bwyd;
- (2) Mae gweithredwr sefydliad busnes bwyd hefyd yn euog o drosedd, os, heb esgus rhesymol—
 - (a) gwrthodir cais person i gael ei hysbysu ar lafar am sgôr hylendid bwyd; neu
 - (b) rhoddir gwybodaeth anwir neu gamarweiniol i berson sy'n gwneud cais o'r fath am sgôr hylendid bwyd sefydliad.
- (3) Mae sticer sgôr hylendid bwyd yn aros yn eiddo i'r awdurdod bwyd.
- (4) Mae person yn cyflawni trosedd os yw—
 - (a) yn fwriadol yn newid, yn difwyno neu fel arall yn ymyrryd â sticer sgôr hylendid bwyd, a
 - (b) yn gwneud hynny heblaw er mwyn ei dynnu o'r man lle y mae'n cael ei arddangos, neu er mwyn ei ddistrywio, yn unol ag adran 7(6).

Gwybodaeth Cychwyn

I26 A. 9 ddim mewn grym ar y Cydsyniad Brenhinol, gweler **a. 27(2)**

I27 A. 9 mewn grym ar 28.11.2013 gan **O.S. 2013/2617**, **ergl. 3(f)**

10 Hyrwyddo sgoriau hylendid bwyd

- (1) Caiff Gweinidogion Cymru, drwy reoliadau, wneud darpariaeth ynghylch hyrwyddo sgôr hylendid bwyd sefydliad busnes bwyd—
 - (a) gan weithredwr y sefydliad;
 - (b) gan berson sy'n gweithredu ar ran y gweithredwr.
- (2) Caiff y rheoliadau, er enghraifft, osod dyletswyddau ar weithredwr mewn perthynas â'r canlynol—
 - (a) rhoi cyhoeddusrwydd i'r sgôr yn electronig;
 - (b) rhoi cyhoeddusrwydd i'r sgôr mewn deunydd sy'n hyrwyddo'r bwyd a ddarperir gan y sefydliad.
- (3) Caiff y rheoliadau hefyd—
 - (a) creu trosedd;
 - (b) gosod cosb (gan gynnwys cosb benodedig);
 - (c) gwneud darpariaeth ynghylch gorfodi;
 - (d) gwneud darpariaeth wahanol ar gyfer gwahanol fathau o sefydliad.
- (4) Yn yr adran hon, mae cyfeiriad at sgôr hylendid bwyd sefydliad yn cynnwys cyfeiriad at sgôr a ddarperir yn rhinwedd adran 12 (ailsgoriadau hylendid bwyd).

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

Gwybodaeth Cychwyn

I28 A. 10 ddim mewn grym ar y Cydsyniad Brenhinol, gweler [a. 27\(2\)](#)

I29 A. 10 mewn grym ar 28.11.2013 gan [O.S. 2013/2617](#), [ergl. 3\(f\)](#)

Mesurau diogelu ar gyfer busnesau bwyd

11 Yr hawl i ateb

- (1) Rhaid i awdurdod bwyd roi cyfle i weithredwr sefydliad busnes bwyd i roi sylwadaethau ar sgôr hylendid bwyd y sefydliad.
- (2) Rhaid i unrhyw sylwadaethau o'r fath gael eu cyflwyno'n ysgrifenedig a chaniateir eu cyflwyno i awdurdod bwyd ar unrhyw adeg tra bo'r sgôr yn ddilys, p'un a yw apêl wedi ei gwneud o dan adran 5 ai peidio.
- (3) Rhaid i awdurdod bwyd anfon unrhyw sylwadaethau o'r fath ymlaen at yr ASB a gaiff gyhoeddi'r sylwadaethau ar ei gwefan ynghyd â'r sgôr hylendid bwyd y mae'r sylwadaethau yn ymwneud â hi.

Gwybodaeth Cychwyn

I30 A. 11 ddim mewn grym ar y Cydsyniad Brenhinol, gweler [a. 27\(2\)](#)

I31 A. 11 mewn grym ar 28.11.2013 gan [O.S. 2013/2617](#), [ergl. 3\(f\)](#)

12 Ailsgoriadau hylendid bwyd

- (1) Caiff gweithredwr sefydliad busnes bwyd ofyn i'r awdurdod bwyd wneud arolygiad ac asesiad pellach o safonau hylendid bwyd y sefydliad er mwyn ystyried a ddylid newid ei sgôr hylendid bwyd ("ailsgoriad").
- (2) Rhaid i gais am ailsgoriad gael ei wneud ar y ffurf a ragnodir.
- (3) Rhaid i awdurdod bwyd gydymffurfio â chais o'r fath os yw'r amodau yn is-adran (4) ac, os yw'n gymwys, yr amod yn is-adran (5) wedi eu bodloni.
- (4) Yr amodau yn yr is-adran hon yw—
 - (a) bod unrhyw apêl yn erbyn y sgôr hylendid bwyd gyfredol wedi ei phenderfynu;
 - (b) bod y gweithredwr wedi hysbysu'r awdurdod bwyd am y gwelliannau a wnaed i'r safonau hylendid yn y sefydliad;
 - (c) bod yr awdurdod bwyd o'r farn ei bod yn rhesymol i ail arolygu ac ailasesu'r sefydliad gyda golwg ar y gwelliannau y dywedwyd eu bod wedi eu gwneud;
 - (d) bod y sticer sgôr hylendid bwyd cyfredol wedi ei arddangos yn y sefydliad yn unol â gofynion adran 7;
 - (e) bod y gweithredwr wedi cytuno i sicrhau y caiff awdurdod bwyd fynd yno i wneud arolygiad o'r sefydliad at ddiben yr ailsgoriad.
- (5) Yr amod yn yr is-adran hon yw bod gweithredwr y sefydliad busnes bwyd wedi talu costau rhesymol yr ailsgoriad, fel y'u penderfynwyd gan yr awdurdod bwyd yn unol ag adran 13.

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

- (6) Nid yw is-adran (5) yn gymwys os nad yw'r awdurdod bwyd wedi ceisio cael taliad o'r costau hynny cyn yr arolygiad.
- (7) Os yw'r amodau yn is-adran (4) ac, os yw'n gymwys, yr amod yn is-adran (5) wedi eu bodloni, rhaid i awdurdod bwyd gwblhau'r ailsgoriad heb fod yn hwyrach na thri mis ar ôl cael y cais.
- (8) Os yw awdurdod bwyd yn penderfynu na ddylai fod unrhyw newid i'r sgôr hylendid bwyd gyfredol, rhaid iddo hysbysu gweithredwr y sefydliad busnes bwyd cyn pen 14 o ddiwrnodau ar ôl dyddiad cwblhau'r arolygiad.
- (9) Os yw'r awdurdod bwyd yn penderfynu newid y sgôr hylendid bwyd, rhaid iddo, cyn pen 14 o ddiwrnodau ar ôl dyddiad yr arolygiad, anfon at weithredwr y sefydliad—
 - (a) hysbysiad ysgrifenedig am ei sgôr hylendid bwyd newydd;
 - (b) datganiad ysgrifenedig o'r rhesymau dros y sgôr;
 - (c) sticer sgôr hylendid bwyd newydd;
 - (d) unrhyw wybodaeth arall a ragnodir.
- (10) Mae'r gofynion yn adran 6 (cyhoeddi), adran 7 (arddangos sticeri) ac adran 8 (ceisiadau am wybodaeth)) yn gymwys i'r sgôr hylendid bwyd newydd.
- (11) Mae adran 5 (yr hawl i apelio) ac adran 11 (yr hawl i ateb) yn gymwys i benderfyniadau'r awdurdod bwyd o dan is-adrannau (8) a (9).

Gwybodaeth Cychwyn

- I32** A. 12 ddim mewn grym ar y Cydsyniad Brenhinol, gweler **a. 27(2)**
- I33** A. 12(1), (3)-(8), (9)(a)-(c), (10)(11) mewn grym ar 28.11.2013 gan O.S. 2013/2617, **ergl. 3(g)**
- I34** A. 12(2)(9)(d) mewn grym ar 28.10.2013 at ddibenion penodedig gan O.S. 2013/2617, **ergl. 2(e)**
- I35** A. 12(2)(9)(d) mewn grym ar 28.11.2013 i'r graddau nad yw eisoes mewn grym gan O.S. 2013/2617, **ergl. 3(g)**

13 Talu costau ailsgoriad

- (1) Os yw cais am ailsgoriad wedi ei wneud gan weithredwr sefydliad busnes bwyd, rhaid i awdurdod bwyd benderfynu costau rhesymol yr ailsgoriad.
- (2) Cyn gwneud yr ailsgoriad, rhaid i'r awdurdod bwyd hysbysu'r gweithredwr am gostau'r ailsgoriad ac am y ffordd y cafodd y costau eu cyfrifo.
- (3) Rhaid i weithredwr sefydliad busnes bwyd dalu costau yr ailsgoriad.
- (4) Caiff awdurdod bwyd ei gwneud yn ofynnol i'r taliad gael ei wneud cyn bod yr ailsgoriad yn cael ei wneud.

Gwybodaeth Cychwyn

- I36** A. 13 ddim mewn grym ar y Cydsyniad Brenhinol, gweler **a. 27(2)**
- I37** A. 13 mewn grym ar 28.11.2013 gan O.S. 2013/2617, **ergl. 3(h)**

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

Pwerau a chyfrifoldebau

14 Dyletswyddau yr Asiantaeth Safonau Bwyd

(1) Rhaid i'r ASB—

- (a) wrth arfer ei swyddogaethau o dan y Ddeddf hon, roi sylw i'r canllawiau a ddyroddir gan Weinidogion Cymru;
- (b) cyhoeddi'r materion y mae rhaid i awdurdod bwyd roi sylw iddynt wrth lunio ac adolygu rhaglen arolygu o dan adran 2 (pan fo'r materion hynny wedi eu cymeradwyo gan Weinidogion Cymru);
- (c) cyhoeddi'r meini prawf sgorio a ddefnyddir i roi sgôr hylendid bwyd o dan adran 3;
- (d) ar ddiwedd cyfnod o 1 flwyddyn sy'n dechrau pan fydd y cynllun yn cychwyn, a phob cyfnod dilynol o 1 flwyddyn, gynnal adolygiad o weithrediad y system apelau a sefydlir o dan adran 5 yn ystod y cyfnod hwnnw;
- (e) ar ddiwedd cyfnod o 1 flwyddyn sy'n dechrau pan fydd y cynllun yn dechrau, a phob cyfnod dilynol o 3 blynedd, adolygu fel arall sut y rhoddwyd ar waith y cynllun sgorio bwyd a sefydlwyd o dan y Ddeddf hon yn ystod y cyfnod hwnnw a sut y bu iddo gael ei weithredu;
- (f) gwneud argymhellion i awdurdodau bwyd i'w cynorthwyo i gydymffurfio â'u cyfrifoldebau o dan y cynllun;
- (g) hybu'r cynllun i sefydliadau busnes bwyd a defnyddwyr yng Nghymru;
- (h) darparu sticeri sgôr hylendid bwyd ar y ffurf ragnodedig i awdurdodau bwyd yn ddi-dâl.

(2) Heb fod yn hwyrach na 3 mis ar ôl diwedd y cyfnod y mae adolygiad o dan is-adran (1) (d) yn ymwneud ag ef, rhaid i'r ASB osod adroddiad gerbon Cynulliad Cenedlaethol Cymru sy'n cynnwys—

- (a) manylion am yr adolygiad a ymgymerwyd ag ef;
- (b) yr argymhellion dros newid, os oes rhai, i'r system apelau y gwêl eu bod yn briodol a'i resymau dros ddod at y casgliad hwnnw.

(3) Heb fod yn hwyrach na 3 mis ar ôl diwedd y cyfnod y mae adolygiad o dan is-adran (1) (e) yn ymwneud ag ef, rhaid i'r ASB osod adroddiad gerbron Cynulliad Cenedlaethol Cymru sy'n cynnwys—

- (a) manylion am yr adolygiad yr ymgymerwyd ag ef;
- (b) yr argymhellion dros newid, os oes rhai, i'r cynllun sgorio hylendid bwyd y gwêl eu bod yn briodol a'i resymau dros ddod at y casgliad hwnnw.

(4) Rhaid i'r ASB anfon copi o bob adroddiad a lunnir o dan yr adran hon at Weinidogion Cymru.

Gwybodaeth Cychwyn

I38 A. 14 ddim mewn grym ar y Cydsyniad Brenhinol, gweler [a. 27\(2\)](#)

I39 A. 14 mewn grym ar 28.11.2013 gan [O.S. 2013/2617](#), [ergl. 3\(h\)](#)

15 Pwerau a chyfrifoldebau eraill awdurdodau bwyd

- (1) Rhaid i awdurdod bwyd anfon gwybodaeth a ragnodir at weithredwyr sefydliadau busnes bwyd newydd yn ei ardal.

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

- (2) Rhaid i'r wybodaeth honno gael ei hanfon at weithredwr o fewn 14 o ddiwrnodau o wneud pa un bynnag o'r pethau canlynol sy'n gymwys—
- (a) cofrestri sefydliad y gweithredwr gan yr awdurdod fwyd o dan Erthygl 6 o Reoliad (EC) 852/2004 (neu ddarpariaeth gyfatebol ar gyfer cofrestru sefydliadau busnes bwyd sy'n cymryd lle'r ddarpariaeth honno), neu
 - (b) gweithredwr y sefydliad yn gwneud cais i'r awdurdod bwyd am gymeradwyaeth o dan Erthygl 4 o Reoliad (EC) 853/2004 (neu ddarpariaeth gyfatebol ar gyfer cymeradwyo sefydliadau o'r fath sy'n cymryd lle'r ddarpariaeth honno).
- (3) Wrth arfer ei swyddogaethau o dan y Ddeddf hon, rhaid i awdurdod bwyd roi sylw—
- (a) i argymhellion a wneir gan yr ASB;
 - (b) i ganllawiau a ddyroddir gan Weinidogion Cymru o dan adran 23 o'r Ddeddf hon.
- (4) Rhaid i awdurdod bwyd wneud trefniadau i orfodi'r rhwymedigaethau sy'n cael eu gosod gan y Ddeddf hon ar sefydliadau yn ei ardal.
- (5) Rhaid i awdurdod bwyd adolygu gweithrediad y cynllun sgorio hylendid bwyd yn ei ardal—
- (a) o bryd i'w gilydd, gyda golwg ar sicrhau bod y meini prawf sgorio yn cael eu hasesu'n deg ac yn gyson;
 - (b) ar gais yr ASB, er mwyn cynorthwyo'r ASB i werthuso'r cynllun fel sy'n ofynnol gan adran 14(d).

Gwybodaeth Cychwyn

- I40** A. 15 ddim mewn grym ar y Cydsyniad Brenhinol, gweler **a. 27(2)**
- I41** A. 15(1) mewn grym ar 28.10.2013 at ddibenion penodedig gan O.S. 2013/2617, **ergl. 2(f)**
- I42** A. 15(1) mewn grym ar 28.11.2013 i'r graddau nad yw eisoes mewn grym gan O.S. 2013/2617, **ergl. 3(i)**
- I43** A. 15(2)-(5) mewn grym ar 28.11.2013 gan O.S. 2013/2617, **ergl. 3(i)**

16 Cyfrifoldebau eraill gweithredwyr sefydliadau busnes bwyd

Rhaid i weithredwr sefydliad busnes bwyd—

- (a) darparu unrhyw wybodaeth y mae angen rhesymol amdani ar awdurdod bwyd i'w alluogi i lunio sgôr hylendid bwyd ar gyfer y sefydliad;
- (b) fel arall rhoi pob cymorth rhesymol i awdurdod bwyd er mwyn ei alluogi i lunio sgôr hylendid bwyd ac arfer ei swyddogaethau eraill o dan y Ddeddf hon.

Gwybodaeth Cychwyn

- I44** A. 16 ddim mewn grym ar y Cydsyniad Brenhinol, gweler **a. 27(2)**
- I45** A. 16 mewn grym ar 28.11.2013 gan O.S. 2013/2617, **ergl. 3(j)**

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

Gorfodi

17 Pŵer mynediad

- (1) Caiff swyddog awdurdodedig i awdurdod bwyd, ar ôl dangos ei awdurdod ysgrifenedig os caiff ei erchi i wneud hynny, fynd i mewn ar bob adeg resymol i sefydliad busnes bwyd er mwyn—
 - (a) llunio sgôr hylendid bwyd;
 - (b) gwneud ailsgoriad;
 - (c) penderfynu apêl o dan adran 5; neu
 - (d) gorfodi unrhyw un neu rai o'r gofynion yn adran 7.
- (2) Ond yn achos mynediad i unrhyw ran o sefydliad sy'n cael ei ddefnyddio fel annedd breifat yn unig, rhaid rhoi 24 awr o rybudd o'r bwriad i fynd i mewn iddo i'r gweithredwr.

Gwybodaeth Cychwyn

I46 A. 17 ddim mewn grym ar y Cydsyniad Brenhinol, gweler **a. 27(2)**

I47 A. 17 mewn grym ar 28.11.2013 gan **O.S. 2013/2617**, **ergl. 3(j)**

18 Rhwystro swyddogion awdurdodedig

Mae person sy'n rhwystro, heb esgus rhesymol, swyddog awdurdodedig i awdurdod bwyd sy'n gweithredu i arfer swyddogaethau'r swyddog yn cyflawni trosedd.

Gwybodaeth Cychwyn

I48 A. 18 ddim mewn grym ar y Cydsyniad Brenhinol, gweler **a. 27(2)**

I49 A. 18 mewn grym ar 28.11.2013 gan **O.S. 2013/2617**, **ergl. 3(j)**

19 Troseddau gan gyrff corfforaethol

- (1) Mae'r adran hon yn gymwys os yw trosedd o dan y Ddeddf hon yn cael ei chyflawni gan gorff corfforaethol.
- (2) Os profir bod y trosedd wedi ei chyflawni gyda chydysyniad neu gydgyllwyn, neu i'w briodoli i unrhyw esgeulustod ar ran—
 - (a) unrhyw gyfarwyddwr, rheolwr neu ysgrifennydd i'r corff corfforaethol, neu
 - (b) unrhyw berson a oedd yn honni ei fod yn gweithredu yn rhinwedd unrhyw swydd o'r fath,

bydd y cyfarwyddwr, y rheolwr, neu'r ysgrifennydd hwnnw neu'r person sy'n honni ei fod yn gweithredu fel y cyfryw (yn ogystal â'r corff corfforaethol) yn euog o'r drosedd a bydd yn agored i achos yn ei erbyn ac i gael ei gosbi yn unol â hynny.
- (3) Mae'r cyfeiriad at gyfarwyddwr, rheolwr neu ysgrifennydd y corff corfforaethol yn cynnwys cyfeiriad—
 - (a) at unrhyw un o swyddogion cyffelyb y corff;
 - (b) pan fo'r corff yn gorff corfforaethol y mae ei faterion yn cael eu rheoli gan ei aelodau, at unrhyw swyddog neu aelod o'r corff.

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

Gwybodaeth Cychwyn

I50 A. 19 ddim mewn grym ar y Cydsyniad Brenhinol, gweler **a. 27(2)**

I51 A. 19 mewn grym ar 28.11.2013 gan **O.S. 2013/2617**, **ergl. 3(j)**

20 Cosbau

Bydd person sy'n euog o drosedd o dan y Ddeddf hon yn atebol ar gollfarn ddiannod i ddirwy heb fod yn uwch na lefel 3 ar y raddfa safonol.

Gwybodaeth Cychwyn

I52 A. 20 ddim mewn grym ar y Cydsyniad Brenhinol, gweler **a. 27(2)**

I53 A. 20 mewn grym ar 28.11.2013 gan **O.S. 2013/2617**, **ergl. 3(j)**

21 Cosbau penodedig

- (1) Pan fo gan swyddog awdurdodedig i awdurdod bwyd reswm i gredu bod person wedi cyflawni trosedd o dan adran 9, caiff y swyddog roi hysbysiad i'r person yn cynnig cyfle iddo fodloni unrhyw atebolrwydd i gollfarn am y drosedd drwy dalu cosb benodedig.
- (2) Pan fo hysbysiad wedi ei roi i berson o dan yr adran hon mewn cysylltiad â throsedd—
 - (a) ni chaniateir i unrhyw achos gael ei gychwyn am y drosedd cyn diwedd cyfnod a bennir yn yr hysbysiad, a
 - (b) ni chaniateir ei gollfarnu o'r drosedd os yw'n talu'r gosb benodedig cyn diwedd y cyfnod hwnnw.
- (3) Mae'r Atodlen (hysbysadau cosb benodedig) yn cael effaith.

Gwybodaeth Cychwyn

I54 A. 21 ddim mewn grym ar y Cydsyniad Brenhinol, gweler **a. 27(2)**

I55 A. 21 mewn grym ar 28.11.2013 gan **O.S. 2013/2617**, **ergl. 3(j)**

22 Y defnydd o dderbyniadau cosb benodedig

- (1) Rhaid i awdurdod bwyd dalu ei dderbyniadau cosb benodedig i Weinidogion Cymru.
- (2) Yn yr adran hon ystyr “derbyniadau cosb benodedig” yw'r symiau sy'n cael eu talu i awdurdod bwyd o dan hysbysadau cosb benodedig a ddyroddwyd o dan adran 21.

Gwybodaeth Cychwyn

I56 A. 22 ddim mewn grym ar y Cydsyniad Brenhinol, gweler **a. 27(2)**

I57 A. 22 mewn grym ar 28.11.2013 gan **O.S. 2013/2617**, **ergl. 3(j)**

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

Amrywiol a chyffredinol

23 Canllawiau

Caiff Gweinidogion Cymru ddyroddi canllawiau—

- (a) i'r ASB;
- (b) i awdurdod bwyd,

mewn perthynas ag arfer eu swyddogaethau o dan y Ddeddf hon.

Gwybodaeth Cychwyn

- I58** A. 23 ddim mewn grym ar y Cydsyniad Brenhinol, gweler **a. 27(2)**
I59 A. 23 mewn grym ar 28.11.2013 gan O.S. 2013/2617, **ergl. 3(j)**

24 Diwygio cyfnodau i gydymffurfio â dyletswyddau

Caiff Gweinidogion Cymru, drwy reoliadau, ddiwygio unrhyw ddarpariaeth yn y Ddeddf hon sy'n pennu cyfnod pryd y mae'n rhaid gwneud rhywbeth drwy roi cyfnod arall yn ei le.

Gwybodaeth Cychwyn

- I60** A. 24 ddim mewn grym ar y Cydsyniad Brenhinol, gweler **a. 27(2)**
I61 A. 24 mewn grym ar 28.11.2013 gan O.S. 2013/2617, **ergl. 3(j)**

25 Dehongli

(1) Yn y Ddeddf hon—

ystyr mater “a ragnodir” (“*prescribed*”) yw mater sydd yn cael ei ragnodi mewn rheoliadau a wneir gan Weinidogion Cymru;

mae i'r ymadrodd “ailsgoriad” (“*re-rating*”) yr ystyr sydd iddo yn adran 12;

ystyr “anfon” (“*send*”) yw anfon drwy'r post neu ddanfon â llaw;

mae i'r ymadrodd “awdurdod bwyd” (“*food authority*”) yr ystyr sydd iddo yn adran 2;

mae i'r ymadrodd “gweithredwr” (“*operator*”) (sefydliad busnes bwyd) yr ystyr sydd iddo yn adran 2;

mae i'r ymadrodd “meini prawf sgorio” (“*rating criteria*”) yr ystyr sydd iddo yn adran 3;

mae i'r ymadrodd “sefydliad busnes bwyd” (“*food business establishment*”) yr ystyr sydd iddo yn adran 2;

mae i'r ymadrodd “sgôr hylendid bwyd” (“*food hygiene rating*”) yr ystyr sydd iddo yn adran 3;

ystyr “swyddog awdurdodedig” (“*authorised officer*”) yw swyddog a awdurdodwyd yn ysgrifenedig gan awdurdod bwyd at ddibenion arfer unrhyw un neu rai o swyddogaethau'r awdurdod o dan y Ddeddf hon.

(2) Mae cyfeiriadau yn y Ddeddf hon at sticer sgôr hylendid bwyd yn cynnwys, pan fo'r cyd-destun yn mynnu hynny, cyfeiriad at fwy nag un sticer.

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

Gwybodaeth Cychwyn

I62 A. 25 ddim mewn grym ar y Cydsyniad Brenhinol, gweler **a. 27(2)**

I63 A. 25 mewn grym ar 28.11.2013 gan **O.S. 2013/2617**, **ergl. 3(j)**

26 Rheoliadau

- (1) Mae pwerau i wneud rheoliadau neu orchmynion o dan y Ddeddf hon yn arferadwy drwy offeryn statudol.
- (2) Mae pŵer i wneud gorchymyn neu reoliadau o dan y Ddeddf hon yn cynnwys pŵer i wneud unrhyw ddarpariaeth gysylltiedig, canlyniadol, trosiannol neu atodol y gwêl Gweinidogion Cymru yn dda.
- (3) Yn achos y pŵerau o dan adrannau 2(6), 3(2) a 3(5) mae'r ddarpariaeth hon yn cynnwys darpariaeth i ddiwygio'r Ddeddf hon.
- (4) Ni chaniateir i Reoliadau o dan adrannau 2(6), 3(2), 3(5), 5(8), 6(2), 10, 24 a pharagraff 3 o'r Atodlen gael eu gwneud oni bai bod drafft o'r offeryn wedi ei osod gerbron Cynulliad Cenedlaethol Cymru a'i gymeradwyo drwy benderfyniad ganddo.
- (5) Mae rheoliadau eraill a wneir o dan y Ddeddf hon yn ddarostyngedig i'w diddymu'n unol â phenderfyniad gan Gynulliad Cenedlaethol Cymru.

Gwybodaeth Cychwyn

I64 A. 26 ddim mewn grym ar y Cydsyniad Brenhinol, gweler **a. 27(2)**

I65 A. 26 mewn grym ar 28.11.2013 gan **O.S. 2013/2617**, **ergl. 3(j)**

27 Cychwyn

- (1) Mae'r adran hon yn dod i rym ar ddiwedd y cyfnod o 2 fis sy'n dechrau â'r diwrnod y caiff y Ddeddf hon y Cydsyniad Brenhinol.
- (2) Daw gweddill darpariaethau'r Ddeddf hon i rym ar ddiwrnod a bennir drwy orchymyn i'w wneud gan Weinidogion Cymru.
- (3) Caiff gorchymyn a wneir o dan yr adran hon—
 - (a) bennu diwrnodau gwahanol at ddibenion gwahanol (gan gynnwys diwrnodau gwahanol ar gyfer categorïau gwahanol o sefydliad busnes bwyd);
 - (b) gynnwys unrhyw ddarpariaeth drosiannol, darpariaeth darfodol, neu ddarpariaeth arbed y gwêl Gweinidogion Cymru eu bod yn angenrheidiol neu hwylus.

Gwybodaeth Cychwyn

I66 A. 27 mewn grym ar 4.5.2013, gweler **a. 27(1)**

28 Enw Byr

Enw byr y Ddeddf hon yw Deddf Sgorio Hylendid Bwyd (Cymru) 2013.

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

.....

Gwybodaeth Cychwyn

I67 A. 28 ddim mewn grym ar y Cydsyniad Brenhinol, gweler **a. 27(2)**

I68 A. 28 mewn grym ar 28.11.2013 gan O.S. 2013/2617, **ergl. 3(k)**

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

ATODLEN

(Adran 21)

HYSBYSIADAU COSB BENODEDIG

RHAN 1

Y WEITHDREFN AR GYFER HYSBYSIADAU COSB BENODEDIG

- 1 Caiff hysbysiad cosb benodedig gynnig cyfle i berson dalu cosb o £200 (“y gosb”) o fewn cyfnod o 28 o ddiwrnodau gan ddechrau ar y diwrnod y rhoddir yr hysbysiad cosb.

Gwybodaeth Cychwyn

- I69** Atod. para. 1 ddim mewn grym ar y Cydsyniad Brenhinol, gweler [a. 27\(2\)](#)
I70 [Atod. para. 1](#) mewn grym ar 28.11.2013 gan [O.S. 2013/2617](#), [ergl. 3\(I\)](#)

- 2 Caiff hysbysiad cosb benodedig gynnig cyfle hefyd i berson dalu cosb is o £150 (“y gosb ostyngol”) os telir o fewn cyfnod o 14 o ddiwrnodau gan ddechrau ar y diwrnod y bydd yr hysbysiad cosb wedi ei roi.

Gwybodaeth Cychwyn

- I71** Atod. para. 2 ddim mewn grym ar y Cydsyniad Brenhinol, gweler [a. 27\(2\)](#)
I72 [Atod. para. 2](#) mewn grym ar 28.11.2013 gan [O.S. 2013/2617](#), [ergl. 3\(I\)](#)

- 3 Caiff Gweinidogion Cymru ragnodi swm gwahanol ar gyfer y gosb neu’r gosb ostyngol.

Gwybodaeth Cychwyn

- I73** Atod. para. 3 ddim mewn grym ar y Cydsyniad Brenhinol, gweler [a. 27\(2\)](#)
I74 [Atod. para. 3](#) mewn grym ar 28.11.2013 gan [O.S. 2013/2617](#), [ergl. 3\(I\)](#)

- 4 Caniateir i’r gosb neu’r gosb ostyngol gael ei thalu drwy bostio llythyr sy’n cynnwys swm y gosb at y person a ddisgrifir ar yr hysbysiad yn y cyfeiriad a ddisgrifir felly. Bernir y bydd y taliad wedi ei wneud ar yr amser y byddai’r llythyr wedi cael ei ddsbarthu yn nhrefn arferol y post.

Gwybodaeth Cychwyn

- I75** Atod. para. 4 ddim mewn grym ar y Cydsyniad Brenhinol, gweler [a. 27\(2\)](#)
I76 [Atod. para. 4](#) mewn grym ar 28.11.2013 gan [O.S. 2013/2617](#), [ergl. 3\(I\)](#)

- 5 Nid yw paragraff 4 yn atal y gosb rhag cael ei thalu drwy unrhyw ddull arall.

Gwybodaeth Cychwyn

- I77** Atod. para. 5 ddim mewn grym ar y Cydsyniad Brenhinol, gweler [a. 27\(2\)](#)
I78 [Atod. para. 5](#) mewn grym ar 28.11.2013 gan [O.S. 2013/2617](#), [ergl. 3\(I\)](#)

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

- 6 Os yw awdurdod bwyd o'r farn na ddylai hysbysiad cosb benodedig fod wedi ei roi i berson gan swyddog awdurdodedig sy'n gweithredu ar ran yr awdurdod bwyd, rhaid i'r awdurdod bwyd roi hysbysiad i'r person hwnnw ei fod yn tynnu'r hysbysiad cosb benodedig yn ôl.

Gwybodaeth Cychwyn

I79 Atod. para. 6 ddim mewn grym ar y Cydsyniad Brenhinol, gweler [a. 27\(2\)](#)

I80 Atod. para. 6 mewn grym ar 28.11.2013 gan [O.S. 2013/2617](#), [ergl. 3\(I\)](#)

- 7 Os caiff hysbysiad cosb benodedig ei dynnu'n ôl—
- rhaid i awdurdod bwyd ad-dalu unrhyw swm sydd wedi ei dalu fel cosb yn unol â'r hysbysiad cosb benodedig, a
 - ni chaniateir dwyn unrhyw achos na pharhau ag unrhyw achos yn erbyn y person a gafodd yr hysbysiad ar gyfer y drosedd sydd o dan sylw.

Gwybodaeth Cychwyn

I81 Atod. para. 7 ddim mewn grym ar y Cydsyniad Brenhinol, gweler [a. 27\(2\)](#)

I82 Atod. para. 7 mewn grym ar 28.11.2013 gan [O.S. 2013/2617](#), [ergl. 3\(I\)](#)

- 8 Mewn unrhyw achos, mae tystysgrif—
- sy'n cymryd arni ei bod wedi ei llofnodi gan neu ar ran prif swyddog cyllid awdurdod bwyd, a
 - sy'n datgan bod taliad cosb wedi dod i law neu heb ddod i law erbyn dyddiad a bennwyd yn y dystysgrif,
- yn dystiolaeth o'r ffeithiau a ddatganwyd.

Gwybodaeth Cychwyn

I83 Atod. para. 8 ddim mewn grym ar y Cydsyniad Brenhinol, gweler [a. 27\(2\)](#)

I84 Atod. para. 8 mewn grym ar 28.11.2013 gan [O.S. 2013/2617](#), [ergl. 3\(I\)](#)

RHAN 2

FFURF A CHYNNWYS HYSBYSIADAU COSB BENODEDIG

- 9 Rhaid i hysbysiad cosb benodedig roi y manylion am yr amgylchiad, yr honnir eu bod yn ffurfio'r drosedd, sy'n angenrheidiol i esbonio pam mae trosedd wedi digwydd.

Gwybodaeth Cychwyn

I85 Atod. para. 9 ddim mewn grym ar y Cydsyniad Brenhinol, gweler [a. 27\(2\)](#)

I86 Atod. para. 9 mewn grym ar 28.11.2013 gan [O.S. 2013/2617](#), [ergl. 3\(I\)](#)

- 10 Rhaid i hysbysiad cosb benodedig ddatgan hefyd—
- enw a chyfeiriad yr awdurdod yr oedd y swyddog awdurdodedig yn gweithredu ar ei ran pan roddodd y swyddog yr hysbysiad;

Statws Golwg cyfnod mewn amser fel yr oedd ar 28/11/2013.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013. (See end of Document for details)

- (b) swm y gosb a'r cyfnod ar gyfer talu'r gosb;
- (c) swm y gosb ostyngol a'r cyfnod y mae'r gostyngiad yn gymwys iddo;
- (d) canlyniadau peidio â thalu'r gosb cyn diwedd y cyfnod ar gyfer talu'r gosb;
- (e) y person y caniateir i'r gosb neu'r gosb ostyngol gael ei thalu iddo a'r cyfeiriad lle y caniateir ei thalu;
- (f) drwy ba ddull y caniateir talu;
- (g) y person y caniateir i unrhyw sylwadau sy'n ymwneud â'r hysbysiad gael eu cyflwyno iddo a'r cyfeiriad lle y caniateir eu cyflwyno.

Gwybodaeth Cychwyn

I87 Atod. para. 10 ddim mewn grym ar y Cydsyniad Brenhinol, gweler [a. 27\(2\)](#)

I88 [Atod. para. 10](#) mewn grym ar 28.11.2013 gan [O.S. 2013/2617](#), [ergl. 3\(l\)](#)

- 11 Rhaid i hysbysiad cosb benodedig hefyd—
- (a) hysbysu'r person y mae wedi ei roi iddo am ei hawl i sefyll prawf am y drosedd honedig, a
 - (b) esbonio sut y caniateir i'r hawl honno gael ei harfer.

Gwybodaeth Cychwyn

I89 Atod. para. 11 ddim mewn grym ar y Cydsyniad Brenhinol, gweler [a. 27\(2\)](#)

I90 [Atod. para. 11](#) mewn grym ar 28.11.2013 gan [O.S. 2013/2617](#), [ergl. 3\(l\)](#)

Statws

Golwg cyfnod mewn amser fel yr oedd ar 28/11/2013.

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Sgorio Hylendid Bwyd (Cymru) 2013.